

淮寧縣志

第三冊
卷八十一
十三

淮寧縣志卷之八

辛酉科舉人河南陳州府淮寧縣知縣永銘纂修
祠祭志

祭法曰夫聖人之制祭祀也法施于民則祀之以
死勤事則祀之以勞定國則祀之能禦大災捍大
患則祀之法施於民者三皇五帝是也淮寧太昊
陵至宋乾德時始著自宋以來皆遣官致祭 國
朝因之有加隆焉若社稷山川之神爲民禦災捍
患列在祀典其他秩祀羣祀悉著于篇述祠祭志
太昊陵 在城北三里宋以前未知崇奉乾德四年

詔置守陵五戶蠲其他役春秋祀以少牢開寶四年
增守陵戶二以時薦祭以朱襄吳英配牲用羊豕政
和三年定新儀春秋享太昊于陳州以金提勾芒配
靖康後祀事不脩廟貌漸毀至元末蕩然無遺明洪
武四年駕幸陳御製祝文致祭八年遣官行視陵寢
九年置守陵戶二人正統十三年知州張志道奏立
寢殿廊廡戟門厨庫宰牲等房天順六年知州萬宣
同知李鼐復加修葺立後殿鐘鼓樓齋宿房具祭器
又作三清觀居焚修道士吏目汪澄改立前門成化
六年知州戴斯莊嚴帝像增高鐘鼓樓綵繪殿宇十

二年監生鄭謬奏准重修嘉靖二十四年監察御史
吳悌見廟貌傾頽與叅政金清僉事翟鎬李維藩命
通判范汝敬董役而大脩之落成祭告三十八年監
祭御史孫昭命知州伍思召脩葺萬歷四年督學副
使衷貞書奏留輸帑三千金又大脩之天啓六年睢
陳道唐煥知州林一桂等捐修國朝順治十五年
王宏仁等捐脩十六年知州王士麟捐俸委吏目陳
可久以次脩葺康熙七年知州方于光重脩二十八
年知州王清彥捐俸重脩植松柏設祭器三十二年
知州張詰詢父老知舊皇墻爲明季闖寇所毀謀於

紳士捐俸集貲砌磚磔高九尺袤六百丈。國朝崇

禮古先帝王歷遣官致祭乾隆十年奉旨發帑八

千兩知府崔應階監督知縣馮奕宿承脩規模壯麗

內外城垣煥然丕新南臨蔡河之濱曰道義門左坊

曰繼天立極右坊曰開物成物次曰通德門三曰先

天門門內有太極坊左右列鐘鼓樓其北正殿五門

曰統天殿雕牆黃瓦爲帝居後殿曰顯仁殿規制同

前其後磚甃高臺上建翬閣扁曰太始門閣內貯御

製碑門內爲陵豎碑曰太昊伏羲氏之陵陵前有畫

卦臺陵後闢著草園周以短垣方廣八十步當春著

草秀發不同凡卉其後殿垣外左爲道院及岳忠武
祠又前爲更衣亭三間右亦爲道院與三清觀皆在
內垣之外爲焚修者所居外垣之地則焚脩者所耕
也陵地凡三頃五十畝袤四百五步廣二百七步北
至民人徐通地東至大路張雨地西至大路汪珣地
路史太昊紀上伏羲葬山陽羅莘注世紀云葬南
郡在襄陽按帝冢今在山陽高平西北高平襄陽
之境然九域志宛單皆有伏羲陵又河中府有庖
王廟引戴氏西征記云潼關直北隔河望層阜巋
然獨秀謂之風陵伏羲氏風姓也此當是女媧墓

然古帝王墓冢皆非一所宜必有說。又太昊紀
下乾德四年詔置守陵五戶春秋少牢羅苹注上
歷太昊宛丘在陳。

文獻通考宋太祖乾德四年詔曰歷代帝王或功
濟生民或道光史載垂於祀典厥惟舊章兵興以
來日不暇給有司廢職因循曠墜或廟貌攸設牲
牲罔薦或陵寢雖存樵蘇靡禁仄席興念茲用惕
然其太昊女媧炎帝黃帝顓頊高辛唐堯虞舜夏
禹成湯周文王武王漢高祖後漢世祖唐高祖太
宗十六帝各給守陵五戶蠲其他役長吏春秋奉

祀馬端臨太昊注葬宛丘在陳州 又徽宗政和三年禮儀局上新儀仲春秋享歷代帝王帝太昊於陳州以金提勾芒配

按羅苹路史注及馬端臨文獻通考並云太昊陵在陳州且自宋以來歷代皆遣官致祭今陵後著草秀發具徵靈異則太昊陵在淮寧無疑舊志所引唐貞觀四年周顯德元年及宋建隆乾德咸平天禧各詔僅有崇奉先代陵寢之文並未言太昊陵在陳州是非以傳信轉以傳疑特爲刪正

太昊伏羲氏方牙字奭奭風姓昊者明也明獻照

於八區故稱太昊伏者變也羲者法也伏羲變化天下天下法則故稱伏羲亦稱慮戲稱庖犧以木德王故稱春皇稱木皇亦稱戲皇蒼精之君也所都之國有華胥之洲神母遊其上意有所動虹且遶之因孕十有二歲以十月四日降神生於仇夷長於起城龍身牛首駿毫龜齒長九尺又一寸方是時也天出文章河出馬圖伏羲觀象於天效法於地近參乎身遠取諸物法八極畫八卦原始反終神明幽贊於是神著著地靈龜出洛乃以龜爲策以蓍爲筮一十八變而成卦以斷天下之吉凶

法螯弧作網罟化蠶桑為總帛因網罟以制都布

龍龍時瑞因以龍紀官乃命子襄為飛龍氏稽古

象肇書契以代結繩而求籍繇是興矣盡地之利

分壤時穀聚天下之銅為棘幣太昊幣謂之九棘昔寶鼎尉王鑄家

有一布長寸六分肩廣八分首廣五分足間二分

謂了傍斜畫者蓋義字也又董令昇家有一種長

寸八分額廣六分肩廣寸一分奇間五分重十二

銖面文作父昊幕文與神鼎制郊禪致羣祠而升

作夷皆太昊字也薦之正姓妣通媒妁以儷皮為禮因甲錄合五緯

命子英為潛龍氏迎日推策造甲子配天為幹配

地為枝而星辰以順則著躔舍立九部而民易理

舉六佐以自策命金提主化俗烏明王建福視默
志災惡紀通爲中職仲起司陸陽侯司海長離來
翔爰作荒樂命曰立基斲桐爲琴繩絲爲絃絃三
十有七絙桑爲瑟絃三十有六以脩身理性而禮
樂於是興焉在治百六十有四載年百九十有四
都于宛丘

祭文

明洪武四年遣會同館副使路景賢致祭

朕生後世爲民於草野之間當前元失馭天下紛紜
乃乘羣雄大亂之秋集眾周武荷皇天后土眷佑遂

平暴亂以有天下主宰庶民今已三年矣君生上古
繼天立極作蒸民主神功聖德垂裕至今朕典百神
之祀考君陵墓在此然相去年歲極遠茲觀經典所
載雖切慕於衷奈稟性之愚時有古今民俗亦異惟
仰神君萬世所法特遣官典祀於陵聖靈不昧尙其
納焉

洪武十三年遣本州知州張密致祭

惟神功施於時德裕後世仰瞻陵寢必當慎禮朕有
天下首勅所司凡有古先帝王陵寢常加修理以附
近人看守常年祭祀已有成式尙慮追崇禮有未至

故十三年秋祭特致其嚴神其鑒知

永樂元年遣官致祭

自古有天下功德及民者當享百世之祀我國家崇祀古者帝王厥有常典今朕尊奉祖訓奉天征討卽位之初永惟聖帝明王陵寢所在不可不敬是用奉香帛牲醴以祭惟皇有治世之功有安民之德歷代雖遠神靈不亡其尙默贊元化孚佑邦家永臻太平之福朕其敬祀萬世無斁

弘治元年五月遣興安伯徐盛致祭

於惟聖神挺生邃古繼天立極開物成務功化之隆

惠利萬世茲予祇承天序式修明祀用祈鑒佑永祚
我邦家尙饗

弘治十四年遣知州白思義致祭

昔者奉天明命相繼爲君代天理物撫育黔黎彝倫
攸序井井繩繩至今承之生民多福思不忘報茲特
遣使齎捧香帛祇命有司詣陵致祭惟帝英靈來歆
來格尙饗

嘉靖三十年八月丁亥遣河南撫按潘恩孫昭
等致祭

惟神奉天撫世奠境保民聖德神功萬世攸賴茲者

適因地震致將河南懷慶等二府衛陝州靈寶等五縣城垣壞損官民房舍倒塌壓死人口不計其數守臣具實上聞朕不勝惶惻茲遣大臣敬齋香帛往詣祭告伏冀聖靈鑒佑默相化機轉災爲祥地方其永依庇焉謹告

萬歷三十一年遣陳州知州羅林致祭

追維明德奉天撫民盛治宏勲萬世永賴陵寢所在英爽如存茲特遣使齋奉香帛祇命有司致祭惟神鑒歆尙饗

國朝順治八年四月遣太常寺卿段國章致祭

自古帝王受天明命繼道統而新治統聖賢代起迭
後一揆功德載籍炳如日星朕誕膺天眷紹纘丕基
景慕前徽圖追芳躅明禋大典亟宜肇隆敬遣耑官
代將牲帛爰脩殷薦之誠用展儀型之志伏惟格歆
尙其鑒享

康熙七年遣通政使霍叔瑾致祭

自古歷代帝王繼天立極功德並隆治統道統昭垂
奕世朕受天眷命紹纘皇基庶政方新前徽是景明
禋大典亟宜肇脩敬遣耑官代將牲帛爰昭殷薦之
忱聿備欽崇之禮伏惟格歆尙其鑒享

康熙十五年遣禮部右侍郎楊正中致祭

自古歷代帝王繼天立極功德並隆治統道統昭垂
宇宙朕受天眷命撫御鴻圖懋建元儲前徽是景明
禋大典亟宜舉行敬遣耑官代將牲帛爰昭殷薦之
忱聿備欽崇之禮伏惟格歆尙其鑒享

康熙二十一年遣兵部左侍郎焦毓璫致祭

自古帝王受天顯命繼道統而新治統聖賢代起先
後一揆成功盛德炳如日星朕誕膺眷祐臨制萬方
掃滅殘寇廓清區宇告功古后殷禮肇稱敬遣耑官
代將牲帛爰脩禋祀之誠用展景行之惠御金明靈